



KREANDO PROSPERIDAT DOR DI KONEKTÁ OPORTUNIDATNAN DI INVERSHON KU INVERSHONISTANAN

SKINA DI INVERSHONISTA

E Kosnan di e Temporada di Pasku ku Mester i ku No Mester hasi

“Ta e temporada di ta alegre, tra-
la-la-la-laa-la-la-la-la...”

Temporada di Pasku a drenta. E sintimentu di alegria i felisidat ta rondoná nos. Mi stima e tempu di aña aki! Wèl, ken nò? E festividatnan, e kuminda, e músika, e spiritu di Pasku! Ta diskutiblemente e mihó tempu di aña, nos tin tres dia di fakansi mas o ménos den e periodo aki i sobre todo, nos ta haña chèns di pasa tempu di kalidat ku nos famia i sernan kerí.

Pa mayoria, ta e temporada di aña spesial ei ora nos ta reflehá i apresíá e nasementu di Hesus. Pero si nos ta berdaderamente honesto ku nos mes, mayoria di nos ta antisipá riba e tempu aki, pasobra nos frankamente no por haña sufisienteregalo! Si, mi a bis'é. Mayoria di nos djis stima e dunamentu i hañamentu di regalo i e hasimentu di kompra. Ai, wou, desèmber ta e tempu di aña ei ora nos ta eksplotá nos tarhetanan di krédito i gasta sèn pa loko djis pasobra ta Pasku. I pa ta honesto di kon nò? Nos a pasa henter aña trahando di 9 pa 5 i reglando kosnan. Kiko tin di malu den trit nos mes, nos famia i amistadnan ku algun regalo bon meresí? Sin embargo a kantika ta bisa “Ta e temporada di ta alegre... no kèns”! Pues, tanten ku nos ta disfrutando di e temporada, ata algun tep, no nesesariamente puramente tep di invershon, pa tene na kuenta durante e temporada di Pasku:

1. *Krea un budget pa e regalonan ku bo ke kumpra i mantené bo mes na djel* Ta masha importante ku bo no hasi di mas ku e kompranan ku bo mester hasi. Pa no hasi di

mas ku e kompranan, traha un lista di e hendenan pa ken bo mester kumpra regalo i stipulá un budget pa guía kuantu bo por gasta. Bo budget mester ta dentro di bo alkanse i una bes ku e budget a wòrdu trahá, hasi bo máksimo esfuerso pa no desviá for di dje;

2. ***Duna e regalo ku ta keda duna!*** Ora nos ta pensando di kumpra e regalo perfekto di Pasku, kasi nunka nos ta pensa di duna un òf otro forma di regalo finansiero. Pero, pa sea honesto, un regalo finansiero ta un di e mihó formanan di regalo ku lo bo por duna bo sernan kerí, sea ku ta bo esposo(a), bo yu, niétu òf amistat íntimo. Un regalo finansiero, por ehèmpel, akshonnan den un kompania, òf unidatnan di un crypto moneda manera Bitcoin òf Ethereum òf hasta un top-up di un kuenta di invershon ta algu ku lo keda ku e reseptor largu despues ku e temporada di Pasku a pasa. Durante di e temporada, no limitá bo mes na e kos di hunga i gadget usual sino brua kos un poko i wak kon bo por duna bo sernan kerí oportunitat pa krea rikesa komo regalo di mihó formal!
3. ***Keda paga bo resibunan mensual den desèmber.*** Bou di ningun sirkunstansia bo mester opta pa kumpra regalo den lugá di hasi bo pagonan di resibunan mensual. Mi sa, un diskushon tokante pagamentu di resibu nunka ta un tópiko sexy, pero pa skohe di no paga òf di posponé bo obligashonnan mensual te yanüari, lo ta un di e kosnan di mas bobo pa bo hasi pa sera 2018! No ta importá kiko e sirkunstansianan ta, nunka skohe pa ignorá bo pagonan, spesialmente bo resibu di tarheta di krédito, ku e intenshon di kumpra un gran regalo en bes di esei. Si bo tin problema ku pagamentu di e resibu i kumpramentu di un regalo, trata di ta kreativo e ora ei i wak kon bo por traha un regalo den lugá di esei pa e persona spesial ei. Mi ta sigur nan lo apresíá e regalo ku bo traha mas ku e regalo ku bo kumpra, pa motibu di e esfuerso i kurason ku a wòrdu hinká den dje;
4. ***Kana rònt shòp semper ta un gran idea!*** Semper bo por haña bon ofertanan ora bo ta buskando regalo. No tin niun bèrgwensa den bishitá diferente lokalidat pa determiná kua ta ofresé e mihó preisnan riba e regalo. Sea sabí tokante bo gastunan durante e periodo di aña aki;
5. ***No hasi un fianza pa kumpra un regalu di Pasku.*** Nunka ta un bon idea pa hasi un fianza pa finansiá e kompra di regalo durante e temporada di Pasku, spesialmente si bo

no por kumpli ku e pagonan mensual ku bo lo keda kuné pa paga bèk despues ku e temporada di Pasku a pasa.

Mi ta spera e temporada trese tur e alegría i felisidat pa bo i bo famia ku bo meresé. Mi ta deseá bo un temporada di dia di fiesta ku hopi bendishon i un Aña Nobo ku ta generá rikesa! E tim di Skina di Invershonista lo mira bo den 2019 pa mas artíkulonon fasinante i interesante tokante invershonnan.

Sigui Skina di Invershonista pa tur kos ku bo mester sa tokante Kreashon di Rikesa!

E editorial aki a wòrdu presentá na bo pa DCSX ku kolaborashon di Vertex Investments.

Outor di e publikashon aki: Stephanie Shaw CFA, MBA.

